

Broj: UPI 05/2-02-19-5- 26/20
Sarajevo, 27. 04. 2020. godine

Federalno ministarstvo okoliša i turizma, rješavajući po zahtjevu investitora „MZ COMPANY“ d.o.o. Mostar, za izdavanje okolišne dozvole za prikupljanje, skladištenja i mehaničkog tretmana sekundarnih sirovina, temeljem članka 68. i članka 71. Zakona o zaštiti okoliša („Službene novine Federacije BiH“, broj: 33/03, 38/09), članka 18. Zakona o izmjenama i dopunama Zakona o zaštiti okoliša („Službene novine Federacije BiH“ broj: 38/09)), te članka 200. Zakona o upravnom postupku („Službene novine Federacije BiH“, broj: 2/98, 48799), donosi:

RJEŠENJE

1. Izdaje se okolišna dozvola investitoru „MZ COMPANY“ d.o.o. Mostar za pogone za prikupljanje, skladištenja i mehanički tretman sekundarnih sirovina.
Pogon za sakupljanje, skladištenje i mehaničku obradu metalnog otpada i sekundarnih sirovina, lociran je u krugu gospodarskog društva "Hercegovina-auto" d.d. Mostar gdje su odnosi ugovorno regulirani.
Predmetna djelatnost obavlja se, na zemljištu označenom k.č. 2410/165 i k.č.2410/78 K.O. Mostar, Grad Mostar, na adresi Bišće Polje b.b..
Pristup pogonu osiguran je sa magistralne prometnice M 17, a unutar kruga pogona manipulira se internim prometnicama koje su dijelom betonirane i nasute tucanicom .

2. Pogoni i oprema za koje se izdaje okolišna dozvola

Osnovna djelatnost gospodarskog društva "M.Z. COMPANY" d.o.o. Mostar je prikupljanje i mehanički tretman sekundarnih sirovina (metali, staro željezo, lim, obojeni metali, stara auta, akumulatori i.t.d.). Na predmetnom pogonu vrši se demontaža raznih vrsta uređaja, metalnih konstrukcija, starih vozila, elektro kablova u svrhu izdvajanja materijala koji predstavljaju sekundarne sirovine za daljnju preradu i upotrebu. Za obavljanje predmetne djelatnosti investitor "M.Z. COMPANY" d.o.o. koristi sljedeće:

- metalni kontejner za obavljanje administrativnih poslova,
- dio industrijske hale površine 350 m² ,
- radni prostor za recikliranje sirovina i,
- manipulativno dvorište za odlaganje sekundarnih sirovina.

2.1. Metalni kontejner za obavljanje administrativnih poslova

Metalni kontejner za obavljanje administrativnih poslova (evidenciju robe, izlaz/ulaz , blagajna) postavljen je s lijeve strane na ulazu u krug pogona. U kontejneru se nalazi uredski namještaj sa instaliranom standardnom informatičkom opremom. Zagrijavanje kontejnera vrši se električnom grijalicom.

2.2. Industrijska hala

Za potrebe reciklaže sekundarnih sirovina i odlaganja akumulatora operater koristi 350 m² zatvorenog prostora industrijskog objekta. U objektu su instalirane el. instalacije za potrebe pogona i strojeva za mehaničku preradu sekundarnih sirovina.

2.3. Manipulativno - radni prostor za recikliranje sirovina

Prostor na kojem se vrši djelatnost obrade sekundarnih sirovina ima površinu od 1.176 m² otvorenog prostora i 350 m² zatvorenog prostora, te je veći dio ograđen metalnom ogradom. Manipulativni-radni prostor je betoniran sa ugrađenim odvodnim šahtovima koji su spojeni na separator gospodarskog društva "Hercegovina-auto"d.d. Mostar, dok je ostali skladišni dio nasut tucanikom.

Pri radu pogona za otkup i obradu sekundarnih sirovina koriste se sredstva rada kako slijedi:

- sredstva rada za vaganje metalnih sekundarnih sirovina,
- sredstva za manipuliranje sekundarnim sirovinama,
- sredstva rada za rastavljanje pojedinih sklopova i,
- sredstva za rad za prešanje sekundarni sirovina.

Za vaganje ulaznih metalni sirovina instalirane su dvije vage i to vaga do 2.000 kg, te kolska vaga za kamione.

Za manipuliranje sekundarnim sirovinama, dopremu i otpremu koristi se bageri, viličari i kamion sa prikolicom i grajferom. Sredstva rada za rastavljanje pojedinih sklopova podrazumijeva korištenje strojeva, ručni i električni alata, te plinska garnitura za rezanje (TNP + Kisik) . Od ručni alata koriste se odvijači, kliješta, čekić, razne poluge i sl., a od električni alata brusilice, bušilice. Za dopremu sekundarnih sirovina operater posjeduje vozni park teretnih vozila.

Lokacija je opremljena svim infrastrukturnim i komunalnim priključcima, što podrazumijeva nesmetanu opskrbu električnom energijom, vodom, za tim priključak na odvodnju, te prometni priključak na magistralni put M-17.

3. Opis djelatnosti za koje se izdaje okolišna dozvola

Investitor „M.Z. COMPANY“d.o.o. na predmetnoj lokaciji bavi se trgovinom t.j. otkupom metalnih sekundarnih sirovina i akumulatora. Metalne sekundarne sirovine dijelom se u preuzetom stanju otpremaju do krajnjeg kupca, ili se vrši rastavljanje, sječenje gdje se posebno izdvojeni materijali zasebno prodaju na tržištu sekundarnih sirovina.

Obrada otpadnih metalni sekundarnih sirovina vrši se u slijedećim fazama:

- prijem sekundarnih sirovima,
- klasifikacija i odlaganje na ekonomskom dvorištu,
- rastavljanje-sječenje odnosno izdvajanje posebnih materijala iz sklopova,
- presovanje metlanog otpada,
- otprema sekundarnih sirovina.

3.1. Prijem sekundarnih sirovima

Doprema sekundarnih sirovina vrši se kamionskim putem i po ulazu u pogon vrši se slijedeće:

- provjera dokumentacije o pristigloj sekundarnoj sirovini,
- vrši se provjera stanja sekundarne sirovine na kamionu,
- vrši se provjera stanja sekundarne sirovine u odnosu na prateću dokumentaciju,
- vrši se vaganje.

Prikupljanje sekundarnih sirovina vrši se od pravnih osoba i građana na području BiH. Privatne osobe dopremaju metalne sekundarne sirovine uglavnom u manjim količinama, i to autoprikolicama, kombijem i sl.. Doprema sekundarnih sirovina od pravnih osoba investitor najvišim dijelom doprema putem vlastitog teretnog voznog parka. Po ulasku vozila u ekonomsko dvorište sekundarna sirovina se vaga, klasificira, evidentira, i odlaže na određeno mjesto u ekonomsko dvorište. Akumulatori kao sekundarne sirovine dopremaju se u kontejnerima i kao takvi se u pogonu čuvaju do otpreme.

3.2. Klasifikacija i odlaganje na ekonomskom dvorištu

- Nakon vaganja, sekundarna sirovina se razvrstava i određuje se mjesto istovara u ekonomskom dvorištu,
- istovar se vrši u ovisnosti od vrste sekundarne sirovine, a može biti:
 - mehanizirano (grajfer na kamionu),
 - kipovanje-istresanje iz sanduka vozila,
 - bagerom ili,
 - ručno.

3.3. Rastavljanje-sječenje i izdvajanje posebnih materijala iz sklopova

Postupak rastavljanja odnosno izdvajanja posebni materijala iz sklopova automobilske olupine, motora, metalni otpad iz industrije, konstrukcije, el. kablovi, bijela tehnika, elektronički sklopovi, el. alati i uređaji . vrši se kada se ima spoznaja da se u istim nalaze komponente koje imaju znatno višu cijenu od ulaznog sklopa, i isto se vrši u zatvorenom prostoru-hali. Rastavljanje se vrši mehaničkim putem, gdje se koriste razni ručni alati: čekić, odvijači, kliješta, te ručni el. alati brusilice, bušilice, aku mašine i dr.. Također za potrebe usitnjavanja metalni sklopova-cjelina koristi se hidraulična sječka.

Izdvojeni materijal odnosno sekundarna sirovina odlaže se u korpe, a nakon punjenja korpe ista se odvozi na za to određeno mjesto u ekonomskom dvorištu ili ostaje u objektu. Veliki metalni sklopovi radi jednostavnijeg manipuliranja i transporta režu se plinski. Manipuliranje sekundarnim sirovinama vrši se viličarima i paletarima.

3.4. Presovanje metlanog otpada

Autooolupine, sitni metalni otpad, limovi i sl. radi lakšeg i ekonomičnijeg transporta presuju se u kocke. Metalni otpad se ubacuje u presu ručno ili mašinski nakon čega se presa pušta u rad i vrši se presovanje. Isprešane metalne kocke odlažu se na depo, odakle se vrši transport do krajnjeg kupca. U krugu pogona instalirane su dvije prese.

3.5. Otprema sekundarne sirovine

Otprema sekundarnih sirovina iz ekonomskog dvorišta vrši se nakon što se osigura kamionska isporuka. Utovar sekundarnih sirovina vrši se mehanizirano, bilo grajferom na kamionu ili utovarom putem utovarivača u sanduk kamiona. Nakon utovara sekundarne sirovine vrši se:

- kontrola utovarene sirovine,
- vaganje i,
- izrada prateće transportne dokumentacije za istu.

4. Vrsta otpada i godišnje količine koje se privremeno skladište

Osnovna djelatnost gospodarskog društva "M.Z. COMPANY" d.o.o. Mostar je prikupljanje i mehanički tretman sekundarnih sirovina (metali, staro željezo, lim, obojeni metali, stara auta, akumulatori i.t.d.). Na predmetnom pogonu vrši se demontaža raznih vrsta uređaja, metalnih konstrukcija, starih vozila, elektro kablova u svrhu izdvajanja materijala koji predstavljaju sekundarne sirovine za daljnju preradu i upotrebu. U postupku mehaničke obrade sekundarnih sirovina I mehaničke obrade otpada javljaju se manje količine i opasnog otpada koji su klasificirane Pravilnikom o kategorijama otpada sa listama (Sl. novine F BiH br. 9/05) kako slijedi:

Ključni broj	Naziv otpada
13	OTPADNA ULJA ZA MOTORE, POGONSKE UREĐAJE I PODMAZIVANJE
13 02	otpadna ulja za motore, pogonske uređaje i podmazivanje

13 02 04*	klorirana ulja za motore, pogonske uređaje i podmazivanje na bazi mineralnih ulja
13 02 05*	neklorirana ulja za motore, pogonske uređaje i podmazivanje na bazi minerala
13 02 06*	sintetska ulja za motore, pogonske uređaje i podmazivanje
13 02 07*	biorazgradiva ulja za motore, pogonske uređaje i podmazivanje
13 02 08*	Ostala ulja za motore, pogonske uređaje i podmazivanje
16 OTPAD KOJI NIJE NA DRUGDJE SPECIFICIRAN U KATALOGU	
16 01	Stara vozila iz različitih načina prevoza (uključujući necestovna sredstva) i otpad od rastavljanja starih vozila I održavanja vozila
16 01 03	Stare gume
16 01 04*	Napuštena vozila
16 01 06	Stara vozila koja ne sadrže ni tečnost ni druge opasne komponente
16 01 07*	Filteri za ulje
16 01 17	Metali sa sadržajem željeza
16 01 18	Obojeni metali
16 01 19	plastika
16 06	baterije i akumulatori
16 06 01*	olovne baterije
17 04	metali (uključujući njihove legure)
17 04 01	Bakar, bronza, mesing
17 04 02	aluminij
17 04 03	olovo
17 04 04	cink
17 04 05	željezo i čelik
17 04 07	miješani metal

Prema evidencijama poslovanja u 2019 god. pogon je prometovao:

- željezo 11.104,04 t,
- obojeni metali 3.168,25 t,
- akumulatori 347,18 t.

Za navedeni otpadne materijale izdano je Rješenje od strane Ministarstva trgovine, turizma i zaštite okoliša Hercegovačko-neretvanskog kantona/županije za bavljenjem aktivnostima male privrede u upravljanju otpadom.

4.1. Opis osnovnih i pomoćnih sirovina i ostalih supstanci i energije

Od energenata se za potrebe pogona koristi se električna energija I dizel gorivo. Električna energija koristi se za strojnog parka u obradi sekundarnih sirovina, a dizel gorivo potrebno je za rad radne mehanizacije i teretnih vozila.

Opskrba el. energije vrši se preko postojeće infrastrukture tvrtke "Hercegovina auto" d.d. Mostar.

Spremnik za dizel gorivo instaliran je na otvorenom prostoru, i kao takav opremljen je tankvanom koja može primiti kompletan sadržaj spremnika u slučaju ne kontroliranog propuštanja spremnika.

Pri eksploataciji pogona za otkup i obradu sekundarnih sirovina, voda se koristi u sanitarne svrhe. Opskrba vodom kao i ovodnja vrši se preko postojeće infrastrukture tvrtke "Hercegovina auto" d.d. Mostar.

Pomoćni materijali koji se koriste za odvijanje tehnološkog procesa u pogonu za otkup i obradu sekundarnih sirovina su: pogonsko gorivo, motorna ulja, tovatna mast, TNP i kisik. Sve navedeno koristi se u obradi sekundarnih sirovina i održavanju radne mehanizacije.

5. Emisije koje pogon i postrojenje ima u okoliš

Potencijalni negativni utjecaji na okoliš od strane operatora poduzeća "M.Z. COMPANY" d.o.o. pri obavljanju predmetne djelatnosti vezani su za nastajanje tehnoloških otpadnih voda, potrošnju energenata-goriva, generiranje produkata sagorijevanja istih, nastajanje prašine, nastajanje otpada, te stvaranje buke. Slijedom navedenoga, emisije iz pogona za otkup i preradu sekundarnih sirovina t.j. tehnološkog procesa prijema i mehaničkoga tretmana sekundarnih sirovina procjenjuje se slijedeće emisije kako slijedi: -emisija u vode, -emisije u zrak, -emisije u tlo, -generiranje buke, -generiranje otpada.

5.1. Emisija u vode

Kao što je već navedeno, tehnološki proces prerade-obrade sekundarnih sirovina je uglavnom mehanički proces, te se voda ne koristi direktno u tehnologiji rada. Pri radu pogona dolazi do nastajanja otpadnih voda, i to: tehnoloških otpadnih voda, sanitarno-fekalnih otpadnih voda i oborinskih voda.

- Tehnološke otpadne vode javljaju se u fazi redovnog rada pogona. Tehnološke otpadne vode u pogona nastaju na vanjskim manipulativnim površinama gdje se vrši razvrstavanje dopremljenih sekundarnih sirovina i na području spremnika - dizel crpne stanice za opskrbu teretnih vozila dizel gorivom za potrebe pogona.

- Sanitarne vode koje nastaju u sanitarnom čvoru u pogonu, odvođe se kanalizacijskom mrežom u gradsku kanalizacijsku mrežu. - Oborinske vode sa krovova objekata i pogona otiću slobodno u prostor.

5.2. Emisija u zrak

Emisije u zrak na predmetnoj lokaciji potječu od rada radne mehanizacije kojom se vrši unutarnji i vanjski transport sekundarnih sirovina (produkti sagorijevanja dizel goriva transportnih vozila i podizanje prašine uslijed kretanja mehanizacije po neasfaltiranim površinama). Radna radnih strojeva i teretnih vozila u prvom redu dovodi do ispuštanja produkata sagorijevanja dizel goriva u atmosferu, odnosno CO, CO₂, SO₂ i NO_x, kao i do podizanja prašine uslijed kretanja mehanizacije po neasfaltiranim površinama – interne prometnice unutar pogona. Stacionarni izvori štetnih emisija u zrak nisu prisutni u pogonu.

5.3. Emisija u tlo

Emisije u tlo se u normalnom radu pogona za otkup i obradu sekundarnih sirovina se ne očekuju. Do emisije u tlo može se doći uslijed akcidentnih situacija: - eksplozija, curenja naftnih derivata iz radne mehanizacije (gorivo, ulja), curenja dizel goriva iz spremnika dizel goriva kapaciteta , curenja kiselina iz akumulatora.

5.4. Emisija buke

Osnovni izvori buke na lokaciji pogona su: strojevi za obradu sekundarnih sirovina i, unutarnji i vanjski transport.

5.5. Emisija otpada

Osnovna djelatnost poduzeća jeste otkup i obrada sekundarnih sirovina u svrhu daljnjeg korištenja. U pogonu razlikujemo dvije vrste otpada, i to:

– otpad koji se dopremi u pogon kao sekundarna sirovina i otpada nastao radom pogona i održavanja opreme.

a) Otpad koji se dopremi u pogon kao sekundarna sirovina Otpada u vidu sekundarnih sirovina u najvećem dijelu se obradi, i kao takav prodaje se na tržištu,

dok se mali dio u ukupnoj masi otpada predaje kao otpad na zbrinjavanje ovlaštenim poduzećima.

b) Otpada nastao radom pogona i održavanja opreme Pri radu i održavanju pogona nastaje otpad koji predstavlja komunalni, neopasni i opasni otpad. Komunalni otpad zbrinjava nadležno komunalno poduzeće, dok se neopasni (sekundarne sirovine) i opasni otpad zbrinjava putem ovlaštenih pravnih poduzeća.

6. Mjere za smanjenje emisije u okoliš

6.1. Mjere za sprečavanje i smanjivanje emisije u zrak

- Kretanje transportnih sredstava/ motornih vozila u krugu pogona prilagoditi uvjetima
- Održavanje strojeva i opreme čije je pogonsko sredstvo za rad gorivo održavati skladu sa uputstvima proizvođača

U cilju smanjenja emisija u atmosferski zrak na prostoru investitor je poduzeo i redovno provodi slijedeće mjere prevencije:

- Postrojenje i uređaji se redovno remontuju i održavaju
- Radno osoblje preduzima preventivne mjere zaštite od požara i eksplozije i u skladu sa zakonskim propisima obučava se iz oblasti zaštite na radu i zaštite od požara, , itd.

6.2. Mjere za sprečavanje i minimiziranje zagađivanja voda

S ciljem smanjenja negativnih utjecaja na vode, treba poštovati granične vrijednosti zagađujućih parametara u skladu sa Uredbom o uvjetima ispuštanja otpadnih voda u prirodne recipijente i sistem javne kanalizacije, a ukupni broj provedenih analiza ne smije prijeći godišnji dozvoljeni broj odstupanja. Mjerenje kvaliteta i kvantiteta otpadnih voda vrši se na izlazu separatora koji je u vlasništvu poduzeća "HERCEGOVINA -AUTO"d.o.o. Mostar. Također potrebno je vršiti i slijedeće:

- sve vode sa radnog manipulativnog prostora pogona moraju putem kanala biti uvedene u separator,
- redovno preventivno održavati i čistiti opremu koja se koristi za smanjenje negativnog utjecaja na vode (separator, sabirni odvodni kanali / tankvana od nadzemnog spremnika),
- opasni otpad (akumulatori/ ulja i dr.) čuvati odvojeno u odgovarajućim nepropusnim kontejnerima/posudama i prama pravilima PPZ-e
- redovito vršiti kontrolu tankvane od spremnika za dizel gorivo na nepropusnost.

6.3. Mjere za sprečavanje i minimiziranje produkcije otpada i zbrinjavanje nekorisnog otpada, te zaštitu zemljišta

Sve slivne površine koje mogu biti izložene onečišćenju trebaju biti izvedene od vodonepropusnih materijala, kako bi se spriječila infiltracija onečišćene vode u tlo.

Sav opasan otpad koji se privremeno skadišti upakovan je u odgovarajuću ambalažu.

Ne vrši se nikakvo pretakanje tečnih otpadnih materija, a sam pretovar se vrši na posebno uređenom platou.

Način skladištenja se određuje na osnovu kemijskih osobina otpada, pa naprimjer:

- zauljena ambalaža i zemlja skladište se u odgovarajućim buradima,
 - rabljeno ulje i masti se skladište i prevoze u odgovarajućim buradima,
 - materije koje nagrízaju skladište se u plastičnim kontejnerima kako bi se spriječilo rđanje i mogućnost izlivanja ako bi se koristili metalni kontejneri,
- Prilikom skladištenja i manipulacije neophodno poduzimaju se sljedeće mjere zaštite:
- područje skladišta je ograđeno, i ima vidljivi natpis o djelatnosti koja se obavlja te

znakove zabrane pušenja,

- skladište je stalno pod nadzorom,
 - vrši se redovno održavanje instalacija i uređaja u ispravnom stanju,
 - posude/kontejneri za skladištenje opasnog otpada su vodonepropusno izvedene, a način zatvaranja je jasno označen,
 - opasan otpad treba je adekvatno označen s natpisom „Opasan otpad“ i nazivom vrste otpada i količinom,
 - svakodnevno se čiste manipulativne površine,
 - svi spremnici opasnog otpada koji su u funkciji smješteni su na vodonepropusnu podlogu sa završnim slojem otpornim na hemikalije i naftne derivate, ostali spremnici u kojima se skladišti otpad se nalaze na vodonepropusnoj podlozi koja ima propisane nagibe kako bi se omogućila pravilna odvodnja u interni sistem kanalizacije,
- Pored ovoga zabranjeno je:

- odlaganje zapaljivih i drugih opasnih materija na mjestima koja nisu namjenjena za tu svrhu,
- čišćenje dijelova zapaljivim tečnostima.

Za čišćenje i sakupljanje eventualno rasutog otpada koriste se sredstva i materijali (piljevina, pijesak, adsorbensi i sl.) koji su nakon upotrebe kao takvi opasan otpad, a za čišćenje i održavanje kancelarijskih prostora sa sanitarnim čvorom, koristi se čista voda sa sredstvima za održavanje.

Operator je dostavio Plan upravljanja otpadom i treba se pridržavati zakonskih odredbi koje su navedene u dostavljenoj dokumentaciji.

6.4. Mjere za ublažavanje buke i zaštitu okoliša od buke

Ako se prilikom zamjene postojeće opreme i strojeva utvrdi da razina buke prelazi propisane granice potrebno je poduzeti dodatne mjere zaštite od buke.

7. Granične vrijednosti emisija za zagađujuće materije

7.1. Granične vrijednosti buke

Područje u kome je lociran Zahvat definisano je kao zona VI. Dozvoljeni nivoi vanjske buke prema Pravilniku o dozvoljenim granicama intenziteta buke i šuma ("Službene novine FBiH", broj 110/12) u ovoj zoni je 70 dB (dan) i 70 dB (noć).

7.2. Granične vrijednosti za otpadne vode

Kvalitet otpadnih voda koje se ispuštaju u javnu kanalizaciju mora zadovoljiti granične vrijednosti propisane Uredbom o uslovima ispuštanja otpadnih voda u okoliš i sisteme javne kanalizacije ("Službene novine Federacije BiH", broj: 101/15 i 1/16).

8. Monitoring plan

Medij	Koji parametar	Mjesto	Učestalost
Voda	Max.temperatura, miris, boja, sadržaj rastvorenog kisika, pH vrijednost, električna vodljivost, ukupne suspendovane materije, taložive materije, hemijska potrošnja kisika HPK-Cr, biološka potrošnja kisika BPK5, amonijačni azot, ukupni azot, ukupni fosfor, toksikološki bioogled Daphnia magna Straus 48hEC50, protok, teško hlapljive lipofilne tvari (ulja i masti), hloridi.	Na izlazu iz separatora ulja i masti	Jednom godišnje

Medij	Koji parametar	Mjesto	Učestalost
Buka	Nivo buke (dB)	Na granicama parcele	Jednom u tri godine ili prilikom instaliranja nove opreme i promjene tehnologije rada
Otpad	Pratiti količine: - Otpadna ulja i masti, opasni otpad, dijelovi od mašina (pri zamjeni), fluo cijevi i sl.	Proizvodna hale	Voditi dnevnu evidenciju a pripremiti godišnji izještaj.

Monitoring vrši ovlaštena i osposobljena institucija i to automatskom opremom.

9. Izvještavanja

Izvještavati Federalno ministarstvo okoliša i turizma o prikupljenim podacima na način kako je to propisano odredbama Poglavlja IV Pravilnika o registrima postrojenja i zagađivanjima („Sl. novine Federacije BiH“, broj: 82/07). Izvještaji trebaju biti poslani najkasnije do 30.06. tekuće godine za prethodnu godinu izvještavanja.

10. Period važenja dozvole

Okolišna dozvola se izdaje na period od 5 (pet) godina i važi od dana uručenja rješenja.

Obrazloženje

Dana 17. 02. 2020. investitoru „MZ COMPANY“ d.o.o. Mostar dostavio je Federalnom ministarstvu okoliša i turizma Zahtjev za izdavanje okolišne dozvole za pogone za prikupljanje, skladištenja i mehanički tretman sekundarnih sirovina.

Pogon za sakupljanje, skladištenje i mehaničku obradu metalnog otpada, lociran je u krugu gospodarskog društva "Hercegovina-auto" d.d. Mostar, a sukladno članku 18. Zakona o izmjenama i dopunama Zakona o zaštiti okoliša (Sl. novine FBiH broj:38/09) i članku 6.i 9. Pravilnika o pogonima i postrojenjima za koje je obavezna procjena utjecaja na okoliš i pogonima i postrojenjima koji mogu biti izgrađeni i pušteni u rad samo ako imaju okolišnu dozvolu ("Službene novine Federacije BiH", broj: 19/04).

Osnovna djelatnost gospodarskog društva "M.Z. COMPANY" d.o.o. Mostar je prikupljanje i mehanički tretman sekundarnih sirovina (metali, staro željezo, lim, obojeni metali, stara auta, akumulatori i.t.d.). Na predmetnom pogonu vrši se demontaža raznih vrsta uređaja, metalnih konstrukcija, starih vozila, elektro kablova u svrhu izdvajanja materijala koji predstavljaju sekundarne sirovine za daljnju preradu i upotrebu. U postupku mehaničke obrade sekundarnih sirovina i mehaničke obrade otpada javljaju se manje količine i opasnog otpada koji su klasificirane Pravilnikom o kategorijama otpada sa listama (Sl. novine F BiH br. 9/05)

Operator poduzeće "M.Z. COMPANY"d.o.o. Mostar posjeduje slijedeće:
-Rješenje o vodnoj dozvoli (Vodni akt) za ispuštanje tehnoloških otpadnih voda iz poslovnog objekta koji se koristi za otkup i preradu sekundarnih sirovina br: UP/40-1/254-7/17 od 04.06.2018 god. izdanog od Agencije za vodno područje Jadranskog mora.

- Rješenje za aktivnosti male privrede u upravljanja otpadom br. UPI/10-05-25-464/18 od 06.12.2018 izdane od strane Ministarstva trgovine, turizma i zaštite okoliša Hercegovačkoneretvanskog kantona/županije.

- Rješenje da poslovne prostorije gospodarskog društva "MZ COMPANY" d.o.o. Mostar ispunjava uvjete tehničke opremljenosti, zaštite na radu, zaštite i unaprjeđenja čovjekovoga okoliša , br. UŠI-08/1-21-8799/10 OD 24.11.2010 god.

U skladu sa članom 36. i 37. Zakona o zaštiti okoliša (Službene novine Federacije BiH, broj: 33/03) ovo Ministarstvo je dokumentaciju, radi davanja primjedbi i sugestija, postavilo na javni uvid na web stranicu ministarstva www.fmoit.gov.ba. dana 25.02. 2020.god.

Kako je ovo ministarstvo utvrdilo da predloženo postrojenje neće prouzrokovati negativne utjecaje na okoliš ako se pridržava određenih mjera za zaštitu okoliša, te je temeljem članka 68. i 71. Zakona o zaštiti okoliša odlučeno kao u dispozitivu ovog rješenja.

Ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor podnošenjem tužbe kod Kantonalnog suda u Sarajevu u roku od 30 dana od dana prijema rješenja. Tužba se podnosi u dva istovjetna primjerka i uz istu se prilaže ovo rješenje u originalu ili ovjerenom prepisu.

U skladu s Zakonom o izmjenama i dopunama federalnim upravnim taksama i tarifi federalnih upravnih taksi (Službene novine Federacije BiH", broj 43/13) tarifni broj 57, točka 4. podnositelj zahtjeva je uplatio 250,00 KM na budžetski račun UNION BANKE d.d. Sarajevo.

MINISTRICA

dr. Edita Đapo

Dostaviti:

- MZ COMPANY d.o.o. Mostar
- Federalnoj upravi za inspeksijske poslove
- Ministarstvu trgovine, turizma i zaštite okoliša HNŽ/K
- Sektor okolišnih dozvola
- Arhivi